



Gmejnska nowina Ralbicy - Róžant



33. lětnik / 11. wudaće
**Hantske łopjeno
jutrownik 2022
06.04.2022**
www.ralbitz-rosenthal.de
gemeinde@ralbitz-rosenthal.de



Foto: Rafael Ledźbor

**Přejemy wšitkim wobydlerjam našeje gmejny a čitarjam
gmejnskeje nowiny žohnowane jutry!**

Wobzamknjenja gmejskeje rady Ralbicy-Róžant

Na posedženju gmejskeje rady dnja 24.03.2022 su so scěhowace wobzamknjenja schwalili:

Wobzamknjenje čo. 11-03/2022

Wopodstatnjenje člonstwa a sobudžěta při zdžětanju a zwoprawdženju wuwicoweje strategije LEADER za spěchowansku dobu EU 2023 do 2027

Wobzamknjenje čo. 12-03/2022

Wobzamknjenje ke kupej drasty za wohnjowu woboru

Wobzamknjenje čo. 13-03/2022

Přiwzaće a posrědkowanje pjenježnych abo wěcných darow a podpěrow w hódnoće pod 1.000,00 eurami

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada móžny.

Hubertus Ryčer, wjesnjanosta

Přichodne posedženje gmejskeje rady gmejny Ralbicy-Róžant wotměje so štwórtk, dnja 28.04.2022 we 18.30 hodž. na gmejskim zarjedže w Róžeńće. Dnjowy porjad so přez městne wuwěški wozjewi.

Přichodna zhromadźizna techniskeho wuběrka wotměje so štwórtk, dnja 21.04.2022 we 18.00 hodž. we wohnjowej woborje w Konjecach. Dnjowy porjad so přez městne wuwěški wozjewi.

Rěčne hodžiny gmejskeho zarjada w Róžeńće:
wutoru a štwórtk: 14.00–18.00 hodž.

Rěčne hodžiny wjesnjanosty:
štwórtk: 15.00–18.00 hodž. po dorěčenju

Serbske wudaće gmejskeje nowiny so wot Sakskeho statneho ministerstwa nutřkowneho spěchuje. Naprawy so z dawkowych srědkow na zakładže hospodarskeho plana, wobzamknjeného wot zapóslancow Sakskeho krajneho sejma sobu financuja.

Nuzowe čisła

milina	ENSO Netz GmbH 0351/50178881
woda	Ewag Kamenz 03578/377377
płun	EVSE Wittichenau 035725/7410
wopłóčki	AZV Am Klosterwasser 035796/96026
policija	110
nuzowy lékař / wohnjowa wobora	112
wohnjowa wobora Ralbicy	035796/850086

IMPRESUM – Gmejska nowina gmejny Ralbicy-Róžant
zamohwity: wjesnjanosta Hubertus Ryčer
Gmejski zarjad
Při Marijinej studničce 8
01920 Róžant
Tel.: 035796/96832
Faks: 035796/96833
Mejlka: gemeinde@ralbitz-rosenthal.de
Internet: www.ralbitz-rosenthal.de
Towarstwa su za wobsah svojich stronow same zamohwite.

Redakciski kónc za wudaće rózownika 2022:
19.04.2022

Prošu zapodajće wšitke přinoški za nowinu
z mejlku na:
gmejska.nowina@gmx.de
Online-wudaće gmejskeje nowiny
pod: www.ralbitz-rosenthal.de

**Gratulujemy wšitkim rentnarkam a
rentnarjam k narodninam a přejemy
krutu strowotu a Bože žohnowanje!**



2. apryla	Rejza Jurkowa	Nowoslicy	70. narodniny
5. apryla	Walter Sauer	Šunow	70. narodniny
10. apryla	Marja Hrjehorjowa	Konjegy	80. narodniny
15. apryla	Lucia Handrikowa	Smjerdžaca	70. narodniny
22. apryla	Hana Marja Felicitas Pašcyna	Ralbicy	70. narodniny

**Tež wšitkim njemjenowanym narodninarjam přejemy
wjele zboža, strowotu a wosobinske derjeměće.**

Posedźenje gmejskeho wólbneho wuběrka

Wutoru, dnja 12.04.2022 přewjedže so we 18.00 hodž. w sydarni zarjadniskeho zwjazka „Při Klóšterskej wodže“, Póstowa 8, 01920 Pančicy-Kukow zjawne posedźenje gmejskeho wólbneho wuběrka, hdžež budže so wo dopušćenju wólbnych namjetow k wólbam wjesnjanosty 12.06.2002 rozsudzić.

Měrko Domaška
předsyda zarjadniskeho zwjazka

Chodojtypalenje w gmejnje

Po dwěmaj lětomaj přestawki smě so lětsa zaso tradicionalne chodojtypalenje wotměć. Skedźbnjamy na to, zo smědža so jenož dowolene, so za spalenje hodžace materialije na městnach wotkładować, a to hakle wot 23. apryla 2022. Městno za chodojtypalenje postaji so wot jednotliwych wjesnych radow.

Waš wjesnjanosta
Hubertus Ryčer

Interviewowarjo a interviewowarki za census pytani/-e

Kaž bu w februarskim wudaću gmejskeje nowiny wozjewjene, pyta Statistiski krajny zarjad Sakskeje za census 2022 interviewowarjow a interviewowarki, kotřiž wot 15. meje naprašowanja w domjacnosćach a bydlenkich domach přewjeduja a w běhu někak jednoho měsaca daty hromadža.

Powšitkowne informacije wo censusu namakaće pod: www.zensus.sachsen.de.

Za to zamołwići maja po krótkim wukubłanju w našej gmejnje naprašowanja w domjacnosćach přewjesć.

Wobdžělanje kataloga z prašenjemi traje něhdže 15 mjeńšinow wob domjacnosć. Za to płaci so narunanje a jězbné wudawki so přewozmu. Namotwa měri so na wšěch wobydlerjow, wosebje na studentow, sobustawow młodžinskih klubow a towarstwow kaž tež na wobydlerjow, kotřiž wjace njedžěłaja.

Zajimcy móža so na gmejnskim zajědže abo na zarjadniskim zwjazku „Při Klósterskej wodze“ přizjewić.

Hubertus Ryćer
wjesnjanosta

Region Hornjołužiska hola a haty spěchuje wukubłanje za hladarjow pućow

Regionalne pućowanske a kolesowarske šćežki w regionje Hornjołužiska hola a haty so wot domoródných a turistow rady wužiwaja. Tute pak dyrbyja so prawidłownje hladać a sporjedžeć. Při tutym nadawku trjebaja gmejny čestnohamtsku podpěru. Zajimowani wobydlerjo móža w přichodže jako hladarjo pućow aktiwni być. Kak tole funguje a kotre naroki za to wobsteja, sposrědkuje so zajimcam při wukubłanju na hladarja/hladarku pućow kónc apryla abo srjedź meje.

Dalše informacije nańdžeće pod: https://ohtl.de/fileadmin/dokumente/PDF-Dateien_fuer_Aktuelles/2022-02-15_Wegewart-Ausbildung_Infoschreiben.pdf

Narěčenska partnerka: Claudia Steglich, tel.: 01523 / 8976414 abo mejlka: steglich@ohtl.de

Zdobom skedźbnjamy na to, zo skónči so aktualna spěchowanska doba za LEADER. Próstwyo wo spěchowanje projektow móža so hač do 8. apryla 2022 zapodać. Wotpowědne informacije nańdžeće pod: <https://www.ohtl.de/foerderung/aufrufe-leader/>.

Sakske spěchowanske myto »KunstZeitAlter«

Sakske spěchowanske myto za wuměłstwo a demografiju »KunstZeitAlter« wěnuje so lětsa temje GENERACIJE. Za nje pytaja so projektowe koncepty, kotrež ze srědkami wuměłstwa a kultury dialog mjez generacijemi spěchujaja a so z aktualnymi prašenjemi rozestaja, při čimž so wobydlerjo a wobydlerki zapřijimujaja. So wobdžělic a sej myto w hódnoće 10.000 eurow wudobyć móža kulturne zarjadnišća a skutkowacy na polu kultury, a to hač do 15. apryla.

Dalše informacije nańdžeće pod: <https://soziokultur-sachsen.de/demografie-preis/kunstzeitalter>

Přichodowe myto eku Sakskeho ministerstwa za energiju, klimu, wobswět a ratarstwo

Hač do 28. apryla móža so zajimcy wo přichodowe myto eku Sakskeho ministerstwa za energiju, klimu, wobswět a ratarstwo powabić. Z mytom spěchuje ministerstwo lokalny a regionalny angažement za wobchowanje biologiskeje mnohotnosće, lutowanje resursow, regionalne tworjenje hódnotow, wožiwjenje wodziznow, energijowu eficiencu, škit klimy a přiměrjenje na sčěhi klimoweje změny. So wobdžělic a sej myta w hódnoće mjez 2.500 a 20.000 eurami wubědźić móža předewzaća, wědomostne institucije, komuny a akterjo ciwilneje towaršnosće kaž towarstwa a towaršnosće, šule, pěštowarnje, wosoby a iniciatiwy.

Dalše informacije nańdžeće pod: <https://www.eku.sachsen.de/eku-zukunftspreis-2022-4616.html>

Hońtwjerske drustwo Ralbicy

Přeprošenje

Wšěm wobsedźerjam ležownosćow (polow a lěsow) wokoło Ralbicy

Hońtwjerske drustwo Ralbicy přeprošuje na zhromadźiznu **pjatk, dnja 08.04.2022 w 19.30 hodź.** při sportowym domje w Ralbicach.

Dnjowy porjad

1. rozprawa předsydstwa
2. rozprawa financow – pruwowar kasow
3. rozprawa wotnajenskeho zjednoćenstwa
4. wobzamknjenje wotnajimanja hońtwow
5. wobzamknjenje wuwjazanja předsydstwa
6. wobzamknjenje hospodarskeho plana 2022/2023
7. wšelčizny

Předsydstwo hońtwjerskeho drustwa Ralbicy

Hońtwjerske drustwo Ralbicy

Po wobzamknjenju hońtwjerskeho drustwa wupłaci so wotnajenski pjenjiz za 2020/2021 wšěm wobsedźerjam polow, łukow a lěsow wokoło Ralbicy **pjatk, dnja 08.04.2022 wot 18.00 hodź.** při sportowym domje w Ralbicach.

Předsydstwo hońtwjerskeho drustwa

Nowosličanske hońtwjerske drustwo

Nowosličanske hońtwjerske drustwo přeprošuje wutrobnje wšitkich wobsedźerjow lěsow a pódy na lětnu hłownu zhromadźiznu **pjatk, dnja 6. meje 2022 w 19.00 hodź.** do Kulturneho doma w Nowoslicach.

Dnjowy porjad:

1. witanje
2. rozprawa wo financach
3. rozprawa předsydy
4. rozprawa hońtwjerjow
5. dodawk k wotnajerskemu hońtwjerskemu zrěčenju
6. hóstny referent Biosferoweho rezerwata w Stróžišću

W ramiku hłowneje zhromadźizny je za wšitkich přítomnych přikusk předwidžany.



Předsydstwo hońtwjerskeho drustwa

Džak pomocnikam a pomocnicam

W adwenće 2021 wupyši so naša nawjes w Šunowje zaso přez někotrych wjesnjawow ze Šunowa. Wjeselimy so kóždy lěto znowa přez pychu při pomniku. Loni poradzi so skónčnje, zo so kabl do zemje połoži, tak zo so milina za wobswětlenje wot wjesneje latarnje wužiwa. Wulki džak słuša tuž wšěm pomocnikam, kotřiž su so wo tutón projekt starali. Dale džakujemy so wutrobnje knjezej Rafeltej (wón wě, wo čo dže ☺), swójbje Kragen a swójbje Garbe za hodownej štomaj, pomocnikam/-cam, kotřiž pomhachu při natwarje a wotwarjenju pychi a docyła wšěm, kotřiž so na někajkežkuli wašnje wo porjeńšenje nawsy staraja. Z tutymi gestami zmóžni so kóždy lěto znowa stworić zetkawanišćo.

W mjenje teama wokoło adwentneje hwězdy

Janina Wjeselina

Akcija gmejnskich džělačerjow

W měrcu hladaše džělačerjam twarskeho dwora gmejny džěło do rukow, jako dyrbjachu so při Cyganskej studni w Konječan lěsu wo brězu starać, kotraž bě so při poslednim wichorje wobškodziła a hrožeše na třechu studnje padnyć. Zo by so štom podrězac móhł, bě trjeba cyłu studnju wottwarić. Tak móžeše so tomu zadžěwać, zo so studnja wobškodzi.



Sportowa baraka w Šunowje

Lětsa w februarje je gmejnska rada rozsudžiła, zo ma so sportowa baraka w Šunowje w přichodnym času wottorhać. Kak stary pak tutón twar poprawom je?

K tomu dyrbimy najprjedy raz wróćo zhladować do lěta 1959. Tehdy je klóšter Marijina hwězda gmejny Šunow za 1.000 hriwnow předał přestrjeń za sportnišćo. W léće 1965 přikupi komuna w njeposrědnej bliskosći poł hektara pola, kotrež słušeše wudowej Katarinje Brojerowej, a přepoda je 14 sobustawej sylnej konjacej sekciji sportoweho towarstwa Traktor Ralbicy. Předsyda a nazwučowar jěcharjow běše Beno Bulank z Łazka. Sportowcy su so w slědowacym času wjele hodžinow bjezplatnje wo trěbne wuhotowanje jěchanišća starali. Wosebje aktiwni běchu Beno Bulank, Joachim Ryčer ze Šunowa a Jurij Lulak z Koslowa. Trening z konjemi přewjedže so kóždy njedźelu dopołdnja. Dnja 21. julija 1968 wotmě so w Šunowje přěni wulki jěchanski swjedžen ze 600 hosćimi. W slědowacych lětach scěhowachu dalše wurjadne zarjadowanja. Tak přewjedžechu so w lětomaj 1970 a 1971 młodžinskej spartakiadze konjacych sportowcow z wokrjesow Kamjenc, Biskopicy, Budyšin, Lubij, Zhorjelc a Žitawa. Cyła Hornja Łužica so tu wubědžowaše. Kóždolětnje běše Šunow tež wuchadzišćo za Hubertusowe přezpólne jěchanja. Zo bychu so treningowe a wubědžowanske wuměnjenja za koparjow na sportnišću a za jěcharjow hodželi polěpšić, započa so w léće 1972 krótko do hód z twarom sportoweje baraki. Wokrjes Kamjenc přewostaji za to 19.000 hriwnow, z lotosrědkow přidachu so 5.500 hriwnow. Hač k zběhance dnja 2. nowembra 1973 nadžělachu sportowcy 1.614 dobrowólnych hodžin. Najpilniši běchu Joachim Ryčer (550 hodžinow), Alojs Langa (196), Jurij Konjecht (140), Jurij Kilank (138) a Jakub Šořta (59). Wšitkim pjećom spožči so za to wubědžowanske znamješko Nacionalneje fronty.

W slědowacych lětach hač do politiskeho přewróta 1989/1990 so twarjenje wobšěrnje wužiwaše, wosebje tež prawidłownje we wobłuku koparskich dypkowych hrow. Po přewróće so to změni, jako koncentrowaše so sportowe towarstwo na hrajnišća w Ralbicach. W Šunowje přewjedžechu so jenož hišće sporadisce koparske hry. Jěchanišćo a baraka wužiwaštej so hišće někotre lěta za přewjedženje wjesnych swjedženjow. Potom pak počachu so wuhotowanje a twarski staw hladajcy pohubjeńšeć. Džensa skići twar zrudny dezolatny napohlad, dokelž so hižo mnohe lěta njewužiwa a so ničo wjace inwestowało njeje. Nětko budže so twarjenje potajkim bórze zhubić. Za wottorhanje změje komuna wudać 16.338,70 eurow. Wot toho so 75 % z LEADER-programa spěchuja. Z tym skónči so 50-lětny wotrězk sportowych stawiznow Šunowa.

Alfons Ryčer



Prěnje swjate woprawjenje

Njedźelu, dnja 24. apryla 2022 přijimuje 30 dźěci w Ralbičanskej wosadneje cyrkwi k přěnjemu razej sakrament swjateho woprawjenja.

- z Ralbic:** Konrad Čornak, Zoey Kurengec, Jakub Statnik, Jeremias Wjactawk, Lea Wjactawkec, Alojs Wjesela
- z Dobrošic:** Marie Hrjehorjec
- z Konjec:** Jakub Browatzki, Jakub Hrjehor, Adrian Mögel, Patricia Šotćic
- z Koslowa:** Antonius Rauer, Larissa Wittec
- z Nowoslic:** Ławrjenc Waury
- z Róžanta:** Mato Hejduška, Stani Žur
- ze Sernjan:** Luca Haufe, Daniel Mět, Magnus Richter, Adrian Rjenč
- ze Smjerdžaceje:** Kilian Gedik
- ze Šunowa:** Tim Čornak, Moritz Kral, Noel Mikławšk, Lukaš Młodźink, Till Orlamünde, Dominik Wićaz, Theodor Wjesela, Marielle Wowčerkec
- ze Zhorjelca:** Leńka Krječmarjec



Jězus praji: »Ja sym chłěb žiwjenja, štóž ke mni přińdže, njebudže htódny a štóž do mnje wěri, njebudže nihdy lačny.« Jan 6,35



Přeprošenje k dźaknej Božej mši wobornikow

Je planowane, zo wotměje so pjatk, dnja 6. meje 2022 dźakna Boža mša wohnjowych woborow zarjadniskeho zwjazka »Při Klóšterskej wodže« składnostnje mjeninow swjateho Floriana. Boža mša ma so w 19.00 hodž. w putniskej cyrkwi w Róžeńce započinać. Kemše organizuja so lětsa wot Njebjelčanskeje gmejskeje wohnjoweje wobory. Wšitcy wobornicy a hosćo su wutrobnje přeprošeni.

Michał Maywald
(nawoda gmejskeje wobory)



pěstowarnja „dr. Jurij Młynk“ w Ralbicach

Wójna w Ukrainje



Tuchwilu pyša najwšelakorišo namolowane hołbje zahrodu kaž tež wokna pěstowarnje a horta w Ralbicach. Džěći wuměnicu so wo tym, što wo podawkach w Ukrainje wědža a hdže su wo tym słyšeli. Wjele džěći je so k tomu wuprajito, hlada džěćace powěšće, rozmołwja so při blidže doma a wě wo čekańcach, kotřiž přebywaja w swójskej wjesce. Wšitko to so na plakat napisa a kóžde džěćo móžeše hołbja jako symbol měra wudebić, wutřihać a wustajić.



Jadwiga Nukowa

Nowowuhotowana rumnosć Ralbičan horta

Zašte lěto zwěšćichu kubłarki a kublarjo horta nuznu potrzebu noworjadowanja a wudospołnjenja twarskeje rumnosće horta w zwisku ze stajnym wobkedźbowanjom, přepruwowanjom a dalewuwićom wobstejnosćow za džěći.

Twarska rumnosć je atraktiwna a magnet za hortske džěći. Wona so stajnje, rady a intensiwnje wot nich wužiwa. Tež wobjim materiala wotpowěduje narokam a činitosćam. Wosebje strukturu, rumnostne rjadowanje a porjadowy system parowaše trochu strózbje a nic tak derje wuhotowana rumnosć. Tuž wuwichu kubłarki zhromadnje z wjednistwom koncept, kotryž so nětko přesadzi. Wosrjedź rumnosće zaměstni so podest, na a při kotrymž hodži so sedžo konstruktiwnje twarić. Podest twori srjedźišćo rumnosće. Bóčne scěny so z polcami wudospołnja, do kotrychž so kašćiki za twarski material zarjaduja, štož zaruči přehladnosć a porjad. Přidatnje wabi darjeny konopej k wotpinanju a spožča rumnosći bydlenku atmosferu.




Džakujemy so wosebje předewzaću MAJA z Brěžkow, kotrež staji nam polcy k dispoziciji, darićelam konopeja ze Serbskich Pazlic a wšitkim dalšim prócowarjam při přesadženju koncepta.

Rene Bětnar

Šulske nowiny

Serbska wyša šula Ralbicy
UNESCO projektna šula
Šula z ideju 2007
www.serbska-sula-ralbicy.de



Jutrownik 2022
27. lětnik, 263. wudaće

Naša šula w času korony

W času korony eksistuja wjac prawidłow hač hewak. Mamy na schodach wobkedźbować, zo směmy jenož na jednym boku horje a na tamnym jenož dele běžeć. Tež maska je pola nas winowatosć. Nimo toho su w kóždym poschodže desinfekciske srědky. Tola što mysla naši šulerjo a wučerjo wo tym? Hana Eiseltc a Louisa Domanic su so k tomu naprašowali:



1) Što myslíte wo korona-prawidłach na našej šuli?

Nimam to za špatnu wěc. Wěm pak tež, zo druzy to za derje nimaja. Sym so nětko mjeztym na to zwučila.

Myslu sej, zo naša šula to hižo derje přesadži a ja wosobinsce z tym žane ćeže nimam.

Je to za kóždoho wužadace. Sym wo tym přewsědčeny, zo maja regule swój zmysł.

2) Što myslíte wo prawidłach zwonka šule?

so

W někotrych wobchodach je tak, zo trjebaja tež džěci negatiwny test. To nimam za dobre.

Tam hodži so zawěšće hišće wjele lěpje činić. Hdyž pak so wšitcy na to dźerža, móže so to derje přewjesć.

Hdyž widžu sportowe towarstwa, kotrež njesmědža trenować abo dalše wěcy, kotrež njesmědža so wotměwać, mam to za škoda. Wosebjje, zo so wonka na powětře zetkawanje a sport zakazatej.

3) Što byšće na prawidłach změnil?

Bych lěpše kontrole zmóžniła, dokelž so na klóki nimale nihtó njedźerži.

Snano wjac na hygienu džiwać, na přikład na desinfekciske srědky.

Po mojim měnjenju bychmy prawidła za cytu Němsku trjebali a nic jenož za jednotliwe zwjazkowe kraje. To je njeprěhladne.

4) Sće wjeseli, zo je homeschooling nimo? Čehodla?



Haj, tróšku. Na tamnym boku je so doma měra dla druhdy lěpje wuknyło.

Haj, na kóždy pad, dokelž widžiš w šuli reakciju šulerjow lěpje. Widžu lěpje, što je něšto zrozumić a što nic. Jako wučer móžu potom lěpje reagować. Trjebamy mjezyčłowjeske počahi we wšědnym žiwjenju.

5) Što byšće sej za přichod na našej šuli přeli hladajo na koronu?



Zo so wjac šulerkow a šulerjow na prawe nošenje maskow dźerži a zo so na prawych bokach w chódbje chodži.

Nadžijam so, zo směmy bórze zaso projekty, eksursije abo tež pućowanske dny přewjesć. Při tym spěchujemy mjezsobne wuknjenje.

Wulět do Wodowych Hendrichec

Póndželu, 8. Nowembra, podachmy so na rjadownisku jězbu do Wodowych Hendrichec. Přebywachmy dohromady tři dny w KiEZ Querxenland. Tema našeho projekta běše „Smy jedyn team“. K tomu słušeše hłownje skrućenje našeje zhromadnosće, kotraž wobsteji ze šulerkow, šulerjow a z rjadowniskeju wučerjow. Wosebje wotměnjawje běchu hry, kotrež tam zeznachmy. Při tutych dyrbjachmy so jako team wopokazać. Rozrjadowachmy so do małych skupinow a přewjedźechmy kooperaciske hry. Na přikład mějachmy so do kruha sydnyć a so bjez rěčenja



alfabetisce po předmjenach rjadować. W dalšej hrě běše nadawk, zhromadnje přikryw wobroćić, bjez toho zo jón wopušćichmy. Wosebje zajimawa běše hra z klockami, z kotrymiž natwarichmy wěžu. K tomu měješe kóždy šuler powjaz w ruce. Dyrbjachmy sej dorěčeć, kak so wěža natwari (hlej wobraz). Wutoru běchmy jara aktiwni. Pućowachmy na

horu a wobhladachmy sej blišu krajinu. Po wobjedže wopytachmy „escape room“. Tam dyrbjachmy w małych skupinach wužadace, ale zajimawe nadawki wuslědźić. Na to podachmy so na pućowanje z kompasom a GPS-nastrojom. K tomu mějachmy wšelake nadawki spjelnić a wobzorosměry wotčitać. Tež hdyž zdokonja jenož jedna wot štyri skupinow prawy puć namakać, mějachmy wjele wjesela.

Cytkownje hodži so rjec, zo je zajimawy, wotměnjawy a jara lóštny wulět našu zhromadnosć skrućić. Wutrobny džak knjezej Bejmakej a knjeni Pešmanowej kaž tež socialnej džětaćerce knjeni Kilanec, kotřiž su nam tute dožiwjenje zmóžnili.



-tekst a wobrazaj: šulerki a šulerjo sedmeho lětnika-

Olympiada serbskej rěče

Olympiada serbskeje rěče! Skónčnje je tak daloko! Tute lěto přewjedže so we Wodowych Hendricach 54. centralna olympiada serbskeje rěče, kotraž wotměje so wot 06. do 08.04.22.

W rjadownjomaj 6/1 a 6/2 wobdžěla so:

6/1: Sarah Šnablec, Livia Kurengec, Tessa Młodźinkec, Sofija Statnikec, Beno Neter, Walentin Wjesela

6/2: Rosi Bělkec, Louisa Domanic, Hana Eiseltec, Fabian Korch, Beno Mikławš, Luis Suchy, Josefina Róblec

Přejemy wšitkim wjele wuspěcha a wjeselimy so hižo na to, Wam wo našich dožiwjenjach rozprawjeć!

Póstnicy pola nas w šuli

Na poslednim šulskim dnju do zymskich prózdni přewjedžechmy w šuli póstnicy. Mjeztym je hižo z tradiciju, zo postaji wotchadna rjadownja temy kostimow za wšitkich. Hižo dwaj tydženjej do wulkeho ewenta smy sej za wšitkich šulerkow a šulerjow, samo za wučerkow a wučerjow temy přemyslili. Tak namjetowachmy za pjaty lětnik temu bajkowe postawy a za šesty lětnik clowny. W sedmym lětniku dyrbjachu so holcy kaž hólcy a hólcy kaž holcy zdrasćić. Jako neandertalowc je



so wosmy lětnik zwoblěkał a dźewjaty lětnik prezentowaše temu babyje. Wězo smy sej tež za kóždu wučerku a kóždeho wučerja swójski kostim přemyslili. To běchu mjez druhim: princesna Lilly-Fee, „mini-monster“, žaba, wowka a tójšto wjac. Běše lóštne wšitkich w pisanych a kołwrotnych kostimach widžeć.

Kóžda rjadownja dyrbješe sej nimo toho kreatiwny motiw za wobraz přemyslić, kotryž so z kameru wothorjeka fotografowaše. Najlěpši wobraz ma so mytować. Po třećej hodžinje započachu so póstnicy z programom. Korony dla njeběchu nam bohužel wjele móžnosćow date, tola rjane wjedro zmóžni nam, program wonka přewjesć. Spěwachmy a rejowachmy - haj, mějachmy prosće wulke wjeselo. Z někotrymi šulerkami a šulerjemi přewjedzechmy wubědzowanje: Štó zamóže jako přeni pampuch zjěsć? Čeža při tym: Ruce njesmědzachu so wužiwać. „Nažel“ běchu runje tute pampuchi ze žonopom pjelnjene. W pjatej hodžinje přepodachu so hišće potlětnje informacije, prjedy hač rěkaše potom: prózdniny!

-tekst: Józefina Debikec, wobrazaj: Konstantin Rjehor-

Jutry

Zajac přińdže zaso k nam,
jejka schowa tu a tam.
Křižerjo so přihotuja,
konje skazaja pola wuja.
Budže zaso rjany čas,
za wšitke zwěrjata a za nas.
Bórze wšitke kwětki kćěja,
na nas čaka rjana meja.



Přejemy wšitkim šulerjam a šulerkam, staršim
a dalšim swójbnyim wjesote jutry a rjane
wočerstwujace prózdniny.
Wostańće strowi!

Waš wučerski kolegij

INFORMACIJE - TERMINY - WŠELČIZNY

- 04./05. apryl:** projekt 8. lětnik „Respekt w syći“
- 06. do 08. apryla:** Olympiada serbskeje rěče šestych lětnikow we Wodowych Hendrichecach
- 14. apryl:** wariabelny swobodny dzeń
- 15. do 22. apryla:** jutrowne prózdniny

Naši lětuši křižerjo

mjeno	Kelko króć?	W kotrej wosadže?
Damian Krječmar	1	Kulow
Jan Laurin Suchy	1	Ralbicy
Milan Zahrodnik	2	Chrósćicy
Antonius Korch	1	Kulow
Jan Špitank	1	Chrósćicy
Simon Kral	1	Ralbicy
Konrad Čornak	2	Ralbicy
Salomon Mróz	2	Ralbicy
Jurij Rab	2	Kulow
Viktor Belkot	2	Kulow
Kilian Smoła	2	Chrósćicy
Adrian Woko	2	Ralbicy
Niklas Młodźink	2	Ralbicy
Janek Borška	2	Ralbicy
Markus Čórlich	2	Ralbicy
Ägidius Brězan	2	Kulow
Samuel Pouckal	2	Ralbicy
Florijan Mikławšk	2	Kulow
wučerjo		
Jan Rjeda	22	Pančicy-Kukow
Křesćan Zahrodnik	20	Chrósćicy
Matthias Klimank	12	Kulow
Michał Wowčer	16	Chrósćicy

Ostern Mittagessen

Abholung auch am Sonnabend möglich!

Sonntag, den 17.04.22 ab 10.30 bis 13.00 Uhr

Jutry njedźelu wobjed

njedźelu dnja 17.04.22 wot 10.30 do 13.00 hodź.

Buffet:

Fleischgerichte:

- gekochtes Rindfleisch
- zart geschmorte magere Schweinebäckchen
- Kaninchenbraten-Keulen
- gekochte Rinderzunge
- Hähnchenschnitzel
- Lammkeulenbraten

Gericht ohne Fleisch:

- Lachsseite auf Bandnudeln mit Spinat

Beilagen:

- frischgeriebener Meerrettich
- hausgemachter Apfelrotkraut
- Fingermöhren, Butter Blumenkohl
- gebratener Chinakohl
- Kartoffel-Klöße, Schwarzbrotknödel, Krokette, Butter Gnocchi, Graubrot



- ✓ unsere beliebte sorbische Hochzeitssuppe am Tisch serviert pro Portion 5,50 €
Bestellungen nehmen wir gern bis zum 11.4.2022 entgegen.

Preis pro Person: 19,50 € (mit Kinderermäßigung)

Tel. 0172-3 57 09 08 oder E-Mail: info@zeltverleih-diener.de
Mühlweg 10 01920 Naußlitz

Wjeselimy so na Wašu skazanku!

*** Oktoberfest Termin 24.9.22**



Zaběra za džěći

Hdyž zwjazujeće ličby wot 1 do 60, wuhladaće něšto přijomne k wočerstwjenju.

